



— AGLAIT —

ILLUNAINORTUT.

Nr.34

Nain,

April 1907.

N.34

Erkomaniarta.

Jârine tamakkonane nunaksoak pikkablajotut illiorkôr-kattarpok sakkertitsijomajotut pitsartunekarnerminik inugiartoksoarnut innigijiminut piojorijunut. Nunanit sunatuinarnit kappianartoksoarnik kuksarnartoksoarniglo tussartitauvogut, nunaksub pikkablaninganik sorlo pitjutekartunik. Taimak pijoka'uarpok jâreokaujome.

Italiame kakkarpok itsarnit ikkomamik annitsikattalerêrtomik, Vesuvemik attelingmik. Tamna Aprilib pigiarningane angijoksoarmik annitsilaurivok. Kakkab kânga nuvujanut pujormullo illumajautillugo, nuna sajuk piluktillugo serkorpalktillugolo ikkomaksuit argjallo ujaraillo immerlo tertiktok kakkab ittininganit kongmuartitauvut pitsartunermut nellekangitomot. Jardit hunder-teokattartut kotsiktigijomot ujarait aumat êgitauvut illangane. Ivjorlo siorallo auksititauvlutik kiaksoarmut puilavut kakkab pânganit, kôktut achevlutik naksarmut. Kók taimaitok illangane jarditut 200tut silliktigivok, 7tullo ittitigiovlu. Nuvujanut taktomot kângagorvio-

tillugo, kittikεaungitunik ikkomârsukarçok kôb kângane.  
 Nangianarçok, asserornarçok. Kappê inuit omajullo  
 iglullo kôngmut ta'maitomut pijaujut! Iglemut tôlera-  
 ngame, annikitoarsu ngmik nokkarkôrçok, tagva issek  
 anniulâvok iglub igalânginit, tagvainak iglo illûnane  
 ikkoalavok, serkorpalublartuce imikçok, tâva, kôk  
 kôgannerçok naksarmut.

Kakkab kannitanganêtot kisséta ta'maluatsiak pijaugallo-  
 artillugit, kanningitomêtot argjanut kiamullo ipinartomut  
 pijaudlarivut. Sôrlo nunavut okkiorme apumut mattu-  
 jaungmat, taimak Vesuvib erkâ illûnane argjanut mattu-  
 jausimavok taipsomane iglullo ikkitolungitut kângitimik-  
 put argjat okumainîngannut. Inuit 600 it tokotaunerput  
 taipsomane, iglugasaksuit unuktut nungutauvut, perorsê-  
 villo illûnatik sujuktaummarikput.

Wochit ikkitotuinaut tamattoma kingorngane Amerikame  
 tachardlerme iglogasaksuit San - Franzisko asserortaulau-  
 rivut nunab sajukpilungninganut ikkomamullo. Nerriuk-  
 tinagit sunamik San - Franziskomiut Aprileme 19 me  
 uvlâkut tikiakijauvut kappianartoksoarmut. Nuna sajuk-  
 piluktillugo iglogasaksuit auladlartitauvutgôk merkotut  
 anoremut aulatitaujotut. Sivorlermik nuna kanunga kivi-  
 niarkôrçok, tagvainarle kiviktaulerivok. Igloksuit oku-  
 maitoksuit majangatitauvlutik sôrlo tallatotut ocholerput,  
 inungit saujauniartillugit. Argjait sakkuillo niuvervingnê-  
 tut kukkerput iglullo iglovinillo ikkoalalerput. Minute-  
 kullungne ikkitotuinarne iglugasaksuit ikkomaksoatut  
 attausertut illingarkôrput. Kappiasuklutik kuksasuklutig-  
 lo inuit kemânasuarput, unuktoksuille iglunut ochojunut

tokotauvut, pi jaungitullo taimak iniksairut jaummarikput perkutairut jaummariklutiglo.

Amma Augusteme iglugasaksuit Amerikamêtot sekkinerdlirme illangit, Valparaisomik attelit taimaluatsiak pi jaugivut San Fransiskotut.

Itsaksoarmit nunaksoak sajukpilukattalerêralloartok iruillo taimailingakattartome nunakartut sungiutikasakput tamattominga. Kisiane taimak pitsartutigijomik taimaglo akkulaitigijomik sajukpilukattalaungilak sivorngane mânatut. Nunakatgêksuit tukisijuksaugalloarput tagva, Nâlegak kiblingnartomik kuksarnartomiglo okausiksakarimat mâna inugiartoksoarnut. Apostele Petrusse okarmat : "Naggatâne kilait nungujomârmatta serkorpaludlarlutik, pingortitalle ônartovaksoarmut aumajomârmatta, nunalle perkutingillo ikkoalanermut nungutajomârmatta" tagva pijokartut mâna nunakssoarme kaujitipâtigut, illa takot pîtigut, nunaksoavut kaglivalliallarmat nagatiksamut. "Taimaimat siningniarata asiptitut, erkomaniantale sillatuniarlutalo.

A. M.

Karngasutikulluit paungartârniarput.

Imâk uuipekârtoкарпок: Mânnaркammeк ajokertuijok Kiname nellipsailauкрок iglugasangmiunik mailinik 20 nik kanningitigijomêtunik. Tagvanêngmat aiviovok Kinese mut, kennujomut illaliortaujungnangimangât illagênut. Ajokertuijub okautivâ: "Tujormiangôvotille, illaliortaujungnangilagit illagênut kaujikârtinanga omativit illinganinganik. Sumik kaujivêt Kristusemiut okperusingit pivlugit? 'Ketamik kaujimagallopunga,' angut kiovok.

'Takkit unuktôngitut mattoma sivorngane kablunâk magguk maunârpuk aglârsungnik aulainasuarlutik, Maggungnik pissivunga, evangelistit illangata aglanginik, Moses-iblo aglangita sivurlerpanginik. Tamarmik attuarsikattarkauvunga taipsomanemit, nellojungnailungalo okpervikpunga okpernisse miksekârtotôngmat. Oktulaunga jáie attausek nâvlugo, nellangaitôgumalo aviklaunga illagênit.

W. P.

### A l l a g a i g i j a k s a k .

Inuit unuktokassait kattimavut igloksoarme immarbiub sikjangane. Takunâraptigik, mallugosukpogut kiksautekarninginik, kugviormatta. Angut sôngojok itterpok majorarlunelo iglub kollerpânganut.

Takunârpsârpavut. Nutte, kiksarneK ablatsângorpok kuviasungnermut, kugviorKaujut arnaK tupatainartôjârtok iglub kollerpângane iksivajok aivigingmatsuk.

Kiksarnerub ablatsângortitaujutiksanga kuviasungnermut sunauvâ?

W, P.

### I s s u m a n a r t u t .

3. Nane aglangne Gûde okautigijauvâ atâtagijauvlune inugiartoksoarnut tamainut?

4. Nane okautigijauvâ atâtauvlune Israêlikkunut piluarlune?

5. Nane aglaksimajokarkâ, i n g e r g â t kitorngarijaulunginapta Gûdemut, (pingortitsijok atâtaunerartaukattaralloartillugo pingortitaminut) ?

6. Kanok tagva kitorngaulerungnarkita Gûdemut?